

經

鉏

堂

雜

誌

刻經鉏堂序

夫吾人立身寓內欲表表自見
者舍功業文章何居焉垂紳正
笏之士率譚功業而視筆墨為
敝筵笈冠長衣之士率譚文章

而薄薦紳為塵飯此皆見其偏
不覩其全者也吾竊以臧獲之
亡羊而例視之矣求之於古工
文章者如牛毛而以文章兼功
業者若兔角然寥寥乎其不多

見也他姑不暇具論即以吾湖
言之湖中多丹山洞府金砂銀
石故石屋祖師隱于霞霧葛稚
川隱于菁山范蠡計然隱于大
滸以謀霸業遂號為計籌山至

今存焉若顏魯兩君俱願為此
州刺史歐陽公所謂江外饒佳
郡吳興天下稀者夫亦道其地
之靈也哉以故文章陳代來矣
人今世詩宗沈約益郊畫宗等

昂矧明徐賁瀟灑推素亭翁皆
彬々文彩而胸中丘壑縱橫萬
狀非若他郡章句之學人趨之
而人步之者也而賁諸人於鐘
鼎之業太常之勲則或起之九

原而無以應我矣乃於宋得一
人焉倪文節公是已觀其經鉅
堂一書論朝事則有忠臣愛君
之心論家政則有君陳孝友之
念論山川則有遺世獨立之志

論世味則有濫鑑人倫之明繁
而不亂約而有規其辭爽以勁
其氣簡而舒信文章之大家鋪
肅之長技也是書也蓋得之吾
友陳仲醇云仲醇博雅有書癖

上自經史下至稗官靡不旁搜
遠採最愛是書余讀禮毘山中
即柳惲讀書處也偶放舟訪惲
醇于嘉禾仲醇出是編授余曰
是且未有梓公湖人宜為湖梓

之余持之歸反覆讀不忍釋手
每讀一段則飲醇醪一盃咽之
欣欣然自得也既喜文節之文
章欲觀文節之行誼而稽之往
譜則文節官宋之學士風操凜

凜為一代偉人若傳記所載者
讀之猶有生色當時忌文節甚
衆而如石中流無所倚萎聲聞
愈藉藉震人耳矣豈非文章功
業並茂者耶遂以其書携至京

邱拜

命雍陽政事之暇取而卒業益
沾沾自喜謂我非仲醇安得是
書而字多差訛亥豕相接適張
文學自揚文山
中走潞水上謁

余文學胸次富有墳典丘索乃
以是書授之校焉凡三旬而羽
化者全蠹食者完矣又三旬而
剗剗告成殺青斯竟矣余覽其
成喟然嘆曰士患無文章切業

耳何患不傳自有此書以來凡
幾百年矣而流徙不亡則人必
有仰其功業文章而不欲亡之
者至于今則仲醇仰之而授之
予予仰之而付之梓張文學仰

之而校以成仲醇與予不佞之
志安知後之仰之者不如今日
乎而是書終千古不亡矣書既
成冊移書兩兒子曰為我藏畏
山中蓋山必有所託而名焉故

霞霧以石屋名菁山以稚川名
計籌山以越中兩大夫名是山
也安知不以藏書名乎然予之
景仰于文節固不徒以文章也
儻後之人止以文章觀之是魚

鳥之觀毛嬙已失其真者已是
為之序 皆

萬曆庚子仲春花旦吳興居實
子潘大復書于雍陽官署

傅公傳

傅思字正父湖州歸安人乾道二年進士中博學宏辭科累遷秘書郎除著作郎兼翰林權軍光宗即位典冊與充哀對掌故事行三制並宣學士上欲試思能否一夕併草除公師四制訓辭精敏在廷誦歎權侍立脩注官直前奏陛下方受禪金主亦新立欲制其命必每事有以勝之彼奢則以儉勝之彼暴則以仁勝之彼怠惰則以憂勤勝之又請增置諫官專責以諫事又乞召內外訪聞以知其才否遷將作

少監兼權直學士院兼權中書舍人升中書舍人兼直學士院同脩國史尋兼侍講初孝宗以戶部經費之餘則於三省置封樁庫以待軍用至紹熙移用始頻會有詔發緡錢十五萬入帑帑備犒軍思謂實給他費請毋發且曰往歲所入約四百六十四萬緡所出之錢不及二萬非痛加樽節則封樁自此無儲遂定議犒軍歲以四十萬緡為額由是費用有節又言唐制使諫官隨宰相入閣今諫官月一對耳乞許同宰相宣引庶得從容論奏上稱善除禮部侍郎上久

不過重華宮思疏十上言多痛切會上召嘉王思言
壽皇欲見陛下亦猶陛下之於嘉王也上為動容時
李皇后寢預政思進講姜氏會齊侯于濼因奏人主
治國必自齊家始家之不能齊者不能防其漸也始
於褻狎終於恣橫卒至於陰陽易位內外無別甚則
離間父子漢之呂氏唐之武韋幾至亂亡不但魯莊
公也上悚然趙汝愚同侍經筵退語人曰讜直如此
吾黨不逮也兼權吏部侍郎出知紹興府寧宗即位
改婺州未上提舉太平興國宮召除吏部侍郎兼直

學士院御史姚愈劾思出知太平州歷知泉州建寧
府皆以言者論去久之召還試禮部侍郎兼直學士
院侂冑先以書致殷勤曰事如此一世入望豈宜
專以潔已為賢哉思報曰但恐方拙不能徇時好耳
時赴召者未引對先謁侂冑或勸用近例思曰私門
不可登矧未見君乎遽入見首論言路不通自呂祖
儉謫徙而朝士不敢輸忠自呂祖泰編竄而布衣不
敢極說膠庠之士欲有吐露恐之以去籍諭之以呈
藁誰肯披肝瀝膽觸冒威尊近者北伐之舉僅有一

二人言其不可如使未舉之前相繼力爭之更加詳
審不致輕動又言蘓師旦賊以巨萬計胡不默殺以
謝三軍皇甫弼喪師棄漢李爽敗績淮甸秦世輔潰
散蜀道皆罪大罰輕又言士大夫寡廉鮮耻列拜於
勢要之門甚者匍匐門竇稱門生不足稱恩坐恩主
甚至子恩父者設文豐賂又在所不論也侂冑聞之
大怒思既退謂侂冑曰公明有餘而聰不足堂中剖
決如流此明有餘為蘓師旦蒙蔽此聰不足也周筠
與師旦並為姦利師旦已敗筠尚在人言平章騎虎

不下之勢此李林甫獨國忠晚節也侂冑悚然曰聞所未聞司諫毛憲劾忌子祠侂冑亟復召首對乞用淳熙例令太子開議事堂閑習機政又言侂冑擅命凡事取內批特旨當以為戒除權兵部尚書兼侍讀求對言大權方歸所當防微一有干預端倪必且仍蹈覆轍厥今有更化之名無更化之實今侂冑既誅而國人之言猶有未靖者蓋以擬臣猶兼宮賓不時宣召宰執當同班同對擬臣亦當遠權以息外議擬臣謂史彌遠也金人求侂冑函首命廷臣集議思謂

有傷國體從禮部尚書史彌遠擬除兩從官參政錢
象祖不與聞思言奏擬除自宰執當同進比專聽佞
冑權有所偏覆輟可鑒既而史彌遠上章自辨思求
去上留之思乞對言前日論樞臣獨班恐蹈往轍宗
社堪再壞耶宜親擢臺諫以革權臣之弊並任宰輔
以鑒專擅之失彌遠懷恙思請去益力以竇謨閣直
學士知鎮江府移福州彌遠拜右丞相陳晦草制用
昆命元龜語思歎曰董賢為大司馬冊文有允執厥
中一言蕭咸以為堯禪舜之文長老見之莫不心懼

今制詞所引此舜禹揖遜也天下有如蕭咸者讀之
得不大駭乎乃上省牘請貼改麻制詔下分析彌遠
遂除晦殿中侍御史即劾思藩臣僭論麻制鐫職而
罷言是不復起矣久之除寶文閣學士提舉嵩山崇
福宮嘉定十三年卒謚文節

經鉏堂雜誌卷一

宋雲川倪思正父

孝廟聖德

趙八觀察師禹嗣秀王伯圭第五子見訪語
次孝廟聖德數事微臣頃荷孝廟親擢所見
者外廷事耳若宮中之事不能盡知既有所
聞敢不登載以備史官之闕

一事

高宗初過德壽宮凡供奉人各撥一半謂如御服所
經鉏堂一卷

十人撥五人絲鞋所八人撥四人之類既撥住內侍
奏乞人補填孝廟云更不須得朕無所用此國家賦
財有限若諸處收補填闕須頓添數百人請受國用
何以支吾竟不復補

二事

高宗絲鞋兩日一易御服三日一易孝宗絲鞋兩月
一易御服弊則易之或時浣濯補紉

三事

孝廟既過重華宮有一淨齋終日宴坐其間止有一

卓案上香書籍一部圓硯一隻筆兩管墨一錠紙兩軸四旁無他物近璫嘗奏高宗留下寶器圖書不可數計陛下當時取觀玩略享之孝廟云不然高廟渡江成中興之業功德盛大故合享此朕無功德豈可享用璫云留在庫藏久必朽蠹取而觀玩何損也孝廟云此皆是直錢之物高廟所寶萬一將出或至損壞便是不能守也至後皆鎖閉不啓

四事

慈福慶壽壽皇新作一袍刺繡甚華慈福見之云哥

哥尋常不曾着此衣服今何故如此壽皇對云政為
媽媽萬壽獻杯之故慈福云哥哥可謂孝順喜形天
顏壽皇親捧壽杯慈福不舉手就以口飲感動之極
至於涕下翌日取此御袍置藏之云此我兒子孝順
為我獻壽特為此服也

五事

元夕後三日宣嗣秀王及其諸子宴集坐間壽皇云
聞得外間鼓吹喧闐想是民間歡樂嗣秀王對云此
不可強壽皇云此如何強得嗣秀王云緣連年皇

民間稍康所以致此壽皇云是是嗣秀王因問元夕
壽皇聖帝對此良辰美景亦領略之否壽皇云十四
日嗣帝過此排當十五日不飲嗣秀王云是夕如何
度壽皇云是夜鼓琴兩曲人報月色甚佳遂出巡簷
賞月已而飲湯一盃至二鼓就寢大允飲酒不可連
日令人神思不清又云人主沒人道得若不自制禁
任意恣縱何所不可非獨酒一事也

六事

每宣秀邸及諸子宴食味極薄壽皇語之云莫不嫌

太簡薄否人飲食盤案雖極豐腴所食不過一兩箸其餘皆作踐了何如分作一兩次既不作踐又可頻相會也

七事

壽皇極簡嚴不甚發語雖宴集拱手終席對諸璫不呼其名止呼其官而已

八事

壽皇坐側有一牙籤筒牙籤凡二十半白半綠酒樽至出白籤斟止半盃出綠籤則滿泛一席之間用

盡止二三而已

九事

近璫奏當脩重華宮舊例須關朝廷出錢下臨安轉運司應副壽皇云我在南內豈不知朝廷無錢臨安轉運司亦窘向來高宗緣德壽宮關錢所以朝廷極力應副今我與嗣君是一家事此間並無用錢處所積甚多只用宮中錢脩不必關聞南內遂以重華庫錢計料翻蓋更不官差一匠及一夫

此九事聞之趙觀察因記小臣淳熙末備數

翰林權直宣至選德旁一小殿忘記名是時
壽皇方特高廟之喪衆白處布巾服白處布
背子殿側一間有小小櫃只是麤黑漆上設
青紬坐褥三條虎皮兩片而已以趙觀察所
言驗之則孝廟恭儉之德表裏如一過漢文
帝遠矣

孔顏

學者自幼師慕孔顏孔子畏於匡尼於陳蔡伐木於
宋削迹於衛顏子一簞食一瓢飲在陋巷人不堪其

憂大以大聖大賢猶不免困厄如此而卒以大聖大賢者為其遭困厄而不屈也然則困厄果非學者之耻唯當學其處困厄而不屈者耳

子思

費子陽謂子思曰吾念周室泣涕不可禁也子思曰然此亦子之善意也夫能以智知可知而不能以智知未可知危之道也今以一人之身憂世之不治而泣涕不禁是憂河水之濁而欲以泣清之也其為無益莫大焉唯能不憂世之亂而患身之不治者可與

言道矣

子思不仕不受國恩故以身為重若夫已出身而仕受國恩深雖在田野亦當憂國可也

孔子建

孔子建與崔義為友義仕新莽為大尹數以世利勸子建仕子建曰吾有布衣之心子有衮冕之志各從所好不亦善乎且昔與子幼同志故相友也今子以富貴為榮而吾以貧賤為樂志已乖矣乖而相友非中情也請與子辭今人見朋友富貴趨附之唯恐不

寧復有此高見耶

原憲

原憲貧居子貢連騎結駟而過之謂憲曰夫子何病也憲對曰衣食不給者謂之貧德義不進者謂之病憲非病也貧也子貢慙而退子貢固陋矣若憲者宜付之一笑可矣未免與之辨對亦未為高絕者也

顏觸

士見顏觸曰觸前觸亦曰王前宣王不悅左右曰觸人臣也王曰觸前觸亦曰王前可乎觸

對曰夫觸前為慕勢王前為趨士與使觸為趨勢不如使王為趨士王忿然作色曰王者貴乎對曰士貴耳王者不貴王曰有說乎觸曰有昔者秦攻齊令曰有敢去柳下季壘五十步而樵採死不赦令曰有能得齊王頭者封萬戶侯賜金千鎰由是觀之生王之頭曾不若死士之壘也

比即晚食以當肉徐步以當車之類觸耶抑
別一人耶

蘇秦

蘇秦貧時親族薄之及佩六國相印而歸前之薄者
頓焉加禮曰吾見季子金多也季子金多於貧者何
與一旦見金多頓為之加禮宜為秦所鄙笑而得以
金多自驕也

李斯

李斯入秦值秦厭諸侯客下逐客之令斯在逐中亟
上書引物連類言客有益于秦而無害秦遂用之自
此致位丞相官成名立矣其後為趙高所讓下獄父
子俱戮東市將刑語其子吾雖欲與若復牽黃犬出

上蔡東門豈可得乎其言悲甚嗟乎使斯遭逐時不上書乞留不過為布衣其牽黃犬游獵於上蔡東門可以終身無悔及其見留樂致身榮顯而父子俱戮致坐一書之故故曰福兮福所倚福兮禍所伏始斯為書生見倉鼠而興感則其志專在利祿故其見逐而上書恐不得利祿也後與趙高謀殺扶蘇立二世恐失其利祿也一有患得患失之心終不免於大傳可以為貪利忘義者之戒

賈誼

賈誼陳治安之策乃在於鵬賦之後豈其涉歷世故
故於事理講明尤更深究耶故文帝前席自以為不
及也與其初欲改正朔易服色時所言時政必大異
矣

延篤

吾嘗昧爽擲梳坐於客堂朝則誦義文之易夏商之
書公旦之典禮仲尼之春秋夕則消搖內階詠詩南
軒百家衆氏投間而作洋洋乎其盈耳也煥爛兮其
溢目也紛紛欣欣兮吾獨樂也當此之時不知天之

為蓋地之為輿不知世之有人己之有軀也雖高漸
離擊筑傍若無人高鳳讀書不知暴雨方之於我未
足況也且吾自束髮已來為人臣不陷於不忠為人
子不陷於不孝上交不諂下交不黷從此而沒下見
先君遠祖可不慙赧吾嘗讀延篤傳有契於心每三
復焉當是時達如陳蕃李固窮如范滂輩皆不能免
獨篤優游里閭以壽終蓋知幾早退逃名隱去之故
也

孔明

孔明輔後主先擇賢者在人主左右其出師表曰郭
攸之費禕董允等此皆良實志慮忠純是以先帝簡
拔以遺陛下愚以為宮中之事事無大小悉以咨之
然後施行必能裨補闕漏有所廣益此孔明輔後主
第一法也初亮自表後主曰成都有桑八百株薄田
十五頃子弱衣食自有餘饒至於臣在外任別無調
度隨身祇食悉仰於官不別治生以長尺寸若臣死
之日不使內有餘帛外有贏財以負陛下及卒如其
言握國柄者苟不廉儉何以率下苟通賂遺是非必

且倒置何以服人又小人譏毀君子疑其營私今乃
了無所營譏言何自入手此孔明輔後主之第二法
也

又

先主三顧草廬時孔明年甫二十七歲名望之重若
老成舊德其亡也止五十七大抵人才見用於時不
過三十年古人四十而仕七十告老其間亦止三十
年孔明自二十七遇主五十七而終適滿三十年豈
其早達故不享上壽耶今人無孔明才德若儻早達

是大可畏第後世仕官不免待次若計在任實滿三十
年者亦自難得僕二十登第二十九方得祿中間
待次閑居又十餘年計實得祿未及二十年豈造物
者欲壽之耶若使登第便得祿又無齟齬三十年已
滿則大可畏矣

三諸葛瑾為長弟亮族弟詡

諸葛孔明仕於蜀至子瞻死於忠義諸葛瑾仕於吳
至子恪死於誅戮諸葛誕仕於魏及其身以兵死三
諸葛皆禮之後分在三國皆不免覆家僅孔明仕蜀

從劉氏合乎正義子瞻死於忠義為得其死擇禍莫
若忠當以孔明父子為法也

孔融荀彧

孔融曹操不睦也孔融豈不知曹操險詐可畏而每
侮之者知其終不免也荀彧每事輸忠於操助成氣
勢而後其終亦不免於死議者不知責彧而責融以
不能全身遠害何哉

張李鷹

論謂顧榮曰天下紛紛禍難未已夫有四海之名者

求退良難吾本山林間人無望於時子善以明防前
以智慮後榮執其手愴然曰吾亦與子採南山蕨飲
三江水耳翰因見秋風起乃思吳中菰菜葦羹鱸魚
膾曰人生貴適志何能羈官數千里以要名爵乎遂
命駕而歸任心自適不求當世或謂之曰卿乃可縱
適一時獨不為身後名耶答曰使我有身後名不如
有生前一杯酒身後名且不求況身後利耶

許敬宗

許敬宗與瀛洲學士十八人之選觀其對帝丘之問

蓋博學多聞者位至宰相壽八十餘人許其才天假以壽而乃列姦臣傳不得與房杜為輩真可惜哉

杜牧之

杜牧之名聞一時累中科目意氣揚揚入一寺有僧靜坐者見之不顧旁人為言此先輩近日甚有名譽僧亦不答牧之茫然自失以是知外名利者之高如此彼方以趨名利者為可鄙宜其視之邈如也

白樂天

余天平生無一不可人意者詩文既高立朝議論忠

直而有所用為郡守所至有遺愛處謫地不少挫屈於
牛李二黨取其長棄其短雖與之從游而不為所汙
亦不深為所害晚年優游分司有泉林勝景之樂而
又深明佛理洞究性原而其所得者全名高壽祿位
亦不為不貴是真可慕羨者也

又

樂天直節全名深識遠見真可師慕第不免有聲色
之好平生事事皆如意時以無子為苦以此知佛謂
此土為閻脂世界真不妄也

張志和

吳興人指南門二十餘里下菰菁山之間一帶遠山
為西塞山也山水明秀真是絕境家有小舫時時載
酒浮游其上當八九月秋氣澄爽尤可愛翫特恨無
志和詩筆胸次耳

柳璨

讀唐書至柳璨曰負國賊柳璨死其宜矣於是知為
小人之果無益而其自知亦甚明也

林希

布衣在元祐已作大從官與東坡為密輩章惇貶元
祐公欲其行辭下除掖垣希意圖進用遂俯就之
既東坡謫辭擲筆曰壞了平生名節也其後僅遷
丞輔大從官與執政相去無幾名節一壞遺臭後世
明知而明犯之甚矣官職之能壞人也

後山

後山與趙挺之俱為郭槩婿後山一生連蹇章惇欲
一見後山竟不詣高節如此挺之附麗至宰相然至
今日為小人以此知富貴不足道也後山在京師寒

至無衣趙挺之妻送衣與後山妻後山却而不受寧
忍寒其清又如此可師仰也

介甫

荆公字說以轉注假借皆為象形象意此其所以為
狗也若其間說象形象意處亦自有理其更新法若
願役至今用之東南為便不見其害海外四州自舊
不曾願役前十年守臣奏民間陳乞欲從中州願役
朝廷從之當時攻之者一切以為不可行力排之此
所以其心不服故曰憎而知其善可也

凍水金陵

溫公退居於洛十七年荆公罷政歸金陵亦十餘年
溫公不唯天下重望歸之其心樂道真得退居之適
荆公不唯得罪公議其心負愧良多身雖逸而心無
一日之樂觀二公出處可以為鑒

東坡楊畏

東坡在嘉祐立論務在更變在熙寧立論務在安靜
在熙寧力排募役在元祐乃主免役盖唯是之從而
不徇時之好惡此其所以為君子楊畏在熙寧則從

熙寧在元祐則從元祐在紹聖元符則從紹聖元符
時人目之曰楊三變不顧是非而惟時是徇此其所
以為小人也

邢恕張商英

邢恕初從溫公伊川游號為善士後入紹聖黨為凶
人張商英初入紹聖黨至崇觀間反得時譽人之善
惡非有定也在人而已

汪彥章李漢老

二公皆名士特其初出蔡京之門一時于進以詩文

設者數矣其言無所不至後皆不敢編入文集而其子孫乃有拾遺者竟不免流傳於世欲人不知莫若勿為信哉斯言

臧穀

臧與穀二人俱牧羊俱亡其羊問臧奚事則挾策讀書問穀奚事則博塞以嬉其為亡羊一也余謂不然亡羊雖一而挾策讀書者終勝於博塞以嬉者今有二人焉一人為善一人為惡皆不免於死然為善者終勝於惡者也

炭小五達者

市達有炭市人大駟謂之炭小五家累巨萬京師朱
破時先十年炭小五竭資要用年年之間蕩盡而京
師遭虜寇家資多者括賣金銀殆不聊生反以為苦
所謂炭小五者貧無所有反不招累豈其有先知智
數耶抑其敗與時變會而適然耶

趙向地契

趙子固向伯升錢塘二淮其先夫原人靖康之初
携家南渡兩家各有中原田契兩籠其初南渡時日

王恢復還中原憑契書復故業至今七千餘年歲契
待時竟成無用金銀珠玉既不可保置田產有契書
可保矣而亦無用以是知佛說萬法歸空之理為長
也

王昶戒子姪

夫富貴聲名人情所樂而君子或得不處何也惡不
由吾道耳患人知進而不知退知欲而不知足故有
困辱之累悔吝之咎語曰如不知足則失所欲故知
足之是常足矣覽往事之戒敗察將來之吉凶未有

于名要利欲而不厭而能保世持家永全福祿者也
觀昶所以戒其子者如此而世俗見子弟多取名利
以為能榮其家而人又從而榮之者是殆未知此理
也

盤谷序

儒者立論往往矯激多失之偏獨盤谷序論窮達二
致其說曰吾非惡此而逃之是有命焉不可事而致
可謂平正不偏矣士大夫達則利澤施于衆名聲昭
于時窮則起居無時唯適之安何往而不可獨不可

為趙趙歸嚙之狀俟候公卿之門奔走形勢之塗耳

又

盤谷序叙窮達二致可謂曲盡第以粉白黛綠列屋
閒居妬寵負恃爭妍取憐為大丈夫得志何其小也
此乃李愿之見退之特述其言耳故首載愿之言曰
云云

秋聲賦

秋聲賦云奈何思其力之所不及憂其智之所不能
宜其渥然丹者為槁木黧然黑者為星星此士大夫

通患也夫力所不及而思徒思耳智所不能而憂徒憂耳吾嘗有多憂多思之患方壯而遽老未老而先衰坐此故耳

羅漢頌

不結良因與善緣苦貪名利日憂煎豈知住世金銀寶借汝閑看七十年九財積雖多而用不到即是看也馬援謂之守錢虜貪而造業用又不到閑看七十年而為守錢虜真愚也哉

歡詩

莫笑學仙人山中苦岑寂試看青松鶴何似朱門客
朱門炙手熱來者無時息何嘗問寒暑豈暇謀寢食
強顏悅憎怨擇語防讐敵衆欲苦無厭有求其必獲
敢辭一身勞豈塞天下責風波卒然起禍患藏不測
神仙雖杳茫富貴何意得歐公詩蓋身尸役而不知之
者

一字至十字詩格

詠竹

竹竹森寒潔綠湘江濱渭水曲惟慢翠錦戈矛蒼玉

心虛異衆草節勁踰凡木化龍杖入仙陂呼鳳律鳴
神谷月娥巾帔靜冉冉風生笙竽清簌簌林間飲酒
碎影搖尊石上圍棋清蔭覆局屈大夫逐去徒悅柳
蘭陶先生歸來但尋松菊若論檀樂之操無越於君
欲圖瀟酒之姿莫賢於僕

詠石

石石陰黑陽白岸胚胎山骨髓天地鎔鑄鬼神刻畫
鯨鯢張怒眼虎兕交鬪額敲如溫玉聲清洗似精銅
色碧花邊硃爾似奇品林下礧然無俗格冰霜慘冽

堅操不移塵土昏冥孤標自隔堯傲獨立見劉侍中
家磊落群居在牛丞相宅昔時寒士常命汝曰聽從
今日衰翁且對君為佳客

右見文與可丹淵集東坡云有好其詩如好
其畫者乎近滁陽林守送此集來置之按間
試閱之果有佳處一字至十字格他集未見
姑錄之

經鋤堂雜誌卷二

東甯川倪思正父

食時五觀

魯直作食時五觀其言深切可謂知慙愧者矣余嘗
入一佛寺見僧持戒者每食先淡喫三口第一以知
飯之正味人食多以五味雜之未甯知正味者若淡
喫食則本自甘美初不假外味也第二思衣食之從
來第三思農夫之愁苦若此則五觀中已備其義每
食用此法極為簡易且先喫三口白飯已過半矣後

所食者雖無羨蔬亦自可啗處貧之道也

訓子弟

端謹謙和勉進學問可以為良家子弟矣本之不立縱復俊敏墮於輕薄子之列則才為累識者不取也後生戒之

書座右

學貴有常然後日新有常與日新若相背馳然非有常不能日新也

易

有來問我如何學易自何而入何從詣極我告之言
深求反感日用常行坦然明白夏葛冬裘渴飲飢食
泰否

泰之初九曰志在外也否之初六曰志在君也君子
於泰之時身雖在朝廷之上而其志未嘗不在山林
惟其志在君故與同其休戚而無憤世之失

程朱易

易以理寓象數因象數以明理漢儒多明象數而於
理或泥而不通自王弼以玄理註易儒者於談理日

勝乃復盡畧象數二者皆得易之一偏至本朝言理則程伊川為最兼象數則朱晦翁為詳今集二書為一庶幾理與象數兼得之云

易通鑑

易以明天地萬物之理通鑑紀治亂興亡之跡推其理而知其盈虛考其跡而究其得失是其學也有用其於用也斯為有孟子昔之學貪多務得余今之學捐華摘實手此二書朝夕紬繹迄其久也怡然理會渙然冰釋寂然不動退藏於密

近之不遜

孔子曰唯女子與小人為難養也近之則不遜遠之則怨既不可近又不可遠然則柰何曰先勿近而已矣惟先近之一旦遠之則怨深先勿近之怨亦淺矣勿忘勿助長

上云而勿正心古說既不通伊川以而勿正為一句心勿忘作一句亦不通意味正心二字元是忘字傳寫失真以一字分為二字故爾蓋養浩然之氣必當有事而勿忘既當勿忘又當勿助長可也疊下勿忘

作文法也

人生苦樂

人生斯世非樂即苦樂者人之所欲苦者人之所不堪自非喪心之人未有所避就者然而識真苦樂者少故列於後

有全樂而無苦者

逍遙無為一念不生

不能忘念向善改惡

觀聖賢言日有所益

父母俱存閨門和樂
親近師友講貫義理
隨力所及濟人利物
有佳子弟向學奉親
良辰美景觀玩山水
身體康強老而不衰
國家安寧時和歲豐
父母俱慶身登高科
衣食粗足知足不貪

有苦樂相半者

飲酒可樂而有中酒之苦

賦詩可樂而有覓句之苦

妻妾可樂而有戕賊之苦

珍味可樂而有造業之苦

為官可樂而有蒞責之苦

營生可樂而有多怨之苦

有須臾之樂無窮之苦者

賭博

狎娼

弋獵

沉湎

喜諛佞近小人

籠養

戲闌

好勝健訟

有苦樂相因者

久病獲痊

失物復還

行人忽得

惡子改過

被禁得釋

苦樂

或曰何者最苦曰生不肖子最苦或問何者最樂曰有賢子最樂夫冤憎會他苦猶可逃獨子弟不肖教之不從怒之不改遣之無所日為不美事以惱尊長懷抱是謂至苦若得賢子其樂亦非他樂可比也

或問何者最苦多事最苦或問何者最樂靜坐最樂
或問何者最苦聲色最苦何者最樂悅義理最樂

又

成實論衆生得欲無厭如飲鹹水未足故營無所求
欲乃名為樂 身為衆苦之聚身為衆苦因緣人受
虛妄樂便生貪著以貪著因緣生守護等過當觀樂
甚於苦也樂為苦門以貪樂故從三毒起不善業墮
地獄等受諸苦惱當知皆以樂為根本一切合會皆
離別相別所愛時深受諸苦故知樂者甚過於苦

樂受是煩惱生處所以者何以貪身故則欲所須欲
因緣故恚等煩惱次第而生樂受是生死根本所以
者何因樂生愛如經中說樂受苦本樂受難捨甚
於桎梏又生死中貪愛所縛所以者何以貪樂故
不脫生死又此樂受與前生苦求時欲苦失時念苦
得時無厭如海吞流是以為苦又樂受是悉疲倦因
所以者何衆生求樂因時雖經嶮難以為樂故心不
懈倦是故智者應當觀苦而不樂受名繫諸業因所
以者何以貪樂故能起善業為現樂故起不善亦是

一切身受之因所以者何取樂生愛愛故受身未離
欲者愛此樂受愛因生苦故知樂受是衆苦本又
樂受味是貪等因若無樂受則無所貪凡夫不知皆
以苦為樂苦者多求樂者不求

苦樂

享欲樂者如食糖初甜後淡受貧苦者如食橄欖初
澁後甘

苦樂不同

今人家之治產也相忍以飢寒相強以苦勞雖犯軍

旅之難飢饉之患溫衣美食者必是家也相憐以衣食相惠以逸樂天飢歲荒嫁妻賣子者必是家也故前之為道前苦而長利後之為道偷樂而後窮

先苦後苦

樂勞苦營本業其後衣食必有餘縱口腹事逸游其後衣食必貧窘非天也非人也自取之也

三樂

世有三樂真樂也一曰吾倫之樂安樂必地之樂三曰講習之樂孟子曰宋毋俱存是樂樂路之樂也此

人倫之樂也仰不愧於天俯不忤於人二樂也此心
地之樂也得天下英才而教育之三樂也此講習之
樂也人倫之樂自父母兄弟之外妻室欲其同甘苦
子孫欲其師教宗族欲其和睦女之適人者欲其得
所歸結自人倫而推之有一敗人意則非樂也心地
之樂豈止俯仰無愧忤而已其道德必與聖賢合與
天地並可也道德未同乎聖賢未同乎天地不可以
已也講習之樂何止於得英才而教育凡學問德行
之有勝乎吾者吾方且師之雖受人之教育亦樂矣

此三者天下之真樂不此之樂而以外物為樂樂未一二而憂已八九世俗以為樂識者不貴也

憂樂

世間遇如意事其樂不過三日至於不如意事未至亦憂已至亦憂過去亦憂故憂樂雖曰相對要之樂少憂多也

憂

成實論云憂是愚人所有智者則無是故愚者其憂難除亦能深生熱惱又云憂要以智斷至哉斯言一

又云愚者常憂所以者何愚愛華離怨憎合會所求
不得故常憂惱又此憂從二因身心不淨如糞塗毒
蛇龍螫能汙又此貪欲常癡中行譬如狗噉血塗枯
骨涎唾合故想謂美貪者亦爾於無味欲中邪倒力
故謂為受味衆生以貪欲因緣樂少苦多所以者何
如富貴處少散壞時多愛欲者為樂因故備受諸
苦請求時苦守護時苦用時亦苦如稼穡商賈征伐
仕進等是求時苦守時恐怖畏失故苦現在無厭故
苦歡愛欲有五種患一味少過多二諸結熾盛三至

死無厭四聖所呵棄五無惡不造 諸煩惱生皆因
於貪如貪身故起諸煩惱又愛使不拔則數數受苦
如毒樹不伐則常害人又貪能使衆生負荷重擔
衆生為無明所蓋覆愛結所繫往來生死無有本際
貪斷故色斷乃至識斷此貪以無常等現故斷斷此
貪欲則心得解脫色貪斷則無色無色則苦滅故知
貪欲為堅固縛又貪欲如賊而衆生不見其惡又貪
欲常於軟美門中行故名深惡貴切世間所樂各異
貪故和合猶如乾沙得水相著若欲得諸樂當捨一

初欲樂捨一切欲故得畢竟常樂若欲生一從喜生
二從憂生若失所愛物是從喜生從憂生者從所憎
事生亦從嫉妬等生未離欲者嫉妬等結常惱其心
又多衆生憂惱報

貪

成實論若不守護眼耳等門則貪欲生於飲食不知
節量則貪欲生親近女色則貪欲生受諸樂則貪欲
生以愚癡故貪欲生於不淨中生淨想故貪欲生與
多欲人共同事故貪欲生懈怠不動修善則貪欲得

便於非行處行則爲貪所侵蝕不淨等未能壞緣則貪欲得勢從久遠來常習貪欲故成貪便則易生又思量心弱隨逐所緣不能制伏則貪欲生又於貪欲中得見利味不見其過則貪欲生

問曰貪欲有何等過故欲斷耶答曰貪欲實苦凡夫顛倒妄生樂想智者見苦則斷又受欲無厭如飲鹹水隨增其渴何故得痛樂又受欲故諸惡並集如刀仗等皆由欲故佛說其罪應當思惟所有諸苦所以而有當知皆以身爲因緣身因於愛是貪

常於不淨中行如女人等是女人得大樂當捨離少
樂故能得無量樂智者更無別利如離貪愛心随心
離貪愛則滅諸苦惱又此貪欲為害善法所以者何
深貪者則不顧戒不受教化不見衰患不觀罪福如
狂如醉不知好醜亦如盲人不見福利 又說貪欲
為大海無邊亦無底波浪漩湊深惡蟲皆羅列如是
諸險難無人得渡者但住淨戒般得見正風利佛為
大般師能示諸正道如所說修行是者則能渡 貪
欲最為難斷一切貪欲究竟皆苦所以者何貪愛事

必當離散因緣必有憂苦佛於處處經中說種種喻
呵此貪能害慧命故說為毒在心即苦故名為刺能
斷善根故名為刀能燒身心故名為火能生諸苦故
名為怨從心中生故名為內賊以難拔故名為根能
汙名聞故名淤泥障善道故名曰妨礙內疼惱故名
箭入心起諸惡故名不善根沒生死海故名為河劫
盜善財故名為賊問貪欲有如是過當云何斷答曰
以不淨觀等遮以無常觀等斷若人能知一切無常
則無貪欲若人能見世間皆苦若因緣貪此貪則斷

頌

要為兩惱先自燒惱然後燒人云何當斷曰常修慈
悲喜捨瞋患則斷見瞋過患是則能斷又得真知瞋
患則斷以忍力故瞋恚則斷為瞋恚者欲惱害今
而返自害所有身口加惡於人自所得惡過百千倍
故知瞋為大自減損故智者欲令自利得免大苦大
罪應當行忍云何能忍答曰若人善修無常了達諸
法念念生滅罵者受者皆念念滅是中何處應生瞋
耶又善修空心故能忍辱作如是念諸法實空誰是

罵者誰是受者又是苦實則受我實有過何故瞋
邪若是不實被人自當懲罰罪我何故瞋又若聞
惡罵當作是念一切世間善惡業受報我昔必嘗集
此惡業今當償之何故瞋邪又我於此聲取相分別
故生憂惱即是我咎之忍辱者不咎他人又念諸佛
又衆賢聖尚不免罵何況於我又作此念世間多惡
不奪我命已為大幸況打罵耶又作此念此惡罵等
於我無苦易可忍受如佛教比丘若鐵鋸解身身尚
應忍受何況罵耶

慢

身為不淨九孔流惡何有智者恃此自高又觀無常等相則滅憍慢

無明

一切煩惱名為無明世間衆生以無明力故貪求少味不見多過如蛾投火如魚吞鉤衆生亦爾現貪少味不顧多過諸惡道皆因不善不善皆是無明如真寶珠盲者棄諸煩惱中無明最強如經中說無明罪重亦難除解故知無明是諸苦根本於無常中生

常想猶如空拳以誑小兒亦如幻師能現前誑人令見土為金無明人於善處不畏善處不善憎惡善人愛樂惡人倒取人意常喜造疾堅執邪事不知慙愧樂處黑闇及不淨自大白貢喜輕蔑人

憂也貪也瞋也慢也無明也皆為善之太害極其情狀與其對治之方未有如釋氏之說故具載之

不善

成實論若行不善則自賊其身况他人耶行不善業

今雖不現果報則若是故雖少如毒雖少亦能害人
如債雖少漸漸滋息又行不善明不樂以樂行不善
故失人天樂不樂樂者愚之甚也

善樂

成實論云行惡見樂為惡未熟至其惡熟自見受苦
行善見苦為善未熟至其善熟自見受樂今之為善
為惡而報未驗者皆於其未熟觀之也至其熟時決
不可易矣

浮屠氏之說比聖人之言雖不免偏然真是

濟世良藥藥之治病剛柔之劑必偏以其疾
偏故以暖藥攻寒疾以涼藥攻熱疾隨病下
藥故不免偏也

遜畔

古語云終身讓畔不失一段晚唐有賢楊玢仕偽
蜀久官于外所居地為隣所侵其子欲訟之於是作
詩曰四隣侵我我從伊畢竟海恩未有時試上含光
殿基望秋風禾黍正離離遂不復訟隣里爭地界者
或為人所侵或恃強侵人未過及尋間或以興訟或

以招怨者多矣若作此觀惠事必端矣

意向則重

青紫品章朝廷所以別貴賤者固然矣比者國有大故官寮服袞其不得服者亦深慕得服者以此知意向所在則重也

各有氣象

牡丹芍藥於春為宜芙蓉桂菊於秋為宜海棠開於秋終是蕭索近有四時木樨開於春終不及秋非時強開氣象故殊也

無厭者自生煩惱

漢武帝通西域平南越破朝鮮伐匈奴斥地數千里
猶不知止終至於下輪臺之詔唐太宗平高昌殄吐
渾虜延陀誅突厥羈縻萬里之外猶不知止終至於
不能勝高麗是之謂無厭自生煩惱者幸其晚而悔
若不知悔則如秦始皇隋煬帝唐明皇覆亡繼之矣
然而得利者必至無厭不肯遷止是以不可勸諫譬
之盜賊不敗不已也

創家享成敗家

有福有智能勤能儉創家者也有福有智不勤不儉
成者也無福無智不勤不儉敗家者也

盜亦有道

盜未易為也莊子曰盜亦有道非有智數才力膽氣
足以服人者人不服之其為魁固難矣雖其徒黨苟
無一長盜魁亦不收之又為者亦須命好然後不敗
故曰盜未易為也

盜未嘗樂

盜恣為凶橫酒食衣服唯意所欲然而日虞見捕雖

在樂中未嘗樂也

衣食粗足不肯為盜

粗有衣食者不肯為盜十金之賈不肯購稅此中中之智能之不待遠識也

族弟試見黜不憂

族弟試見黜不憂或問何以不憂對曰今年雖黜明年尚有試期留取某就明年試若今年憂而死明年無某試矣此言殊有理

惜別

家妹見訪骨肉相聚甚愜老懷童兒亦為之喜其歸
也不能不作惡坡詩云我始來宛丘牽衣舞兒童便
知有此恨留我過西風西風亦已過恨別終無窮人
情一也來時之喜即為別時之戚親履此境尤見坡
詩之工

聲

松聲澗聲山禽聲夜鐘聲鶴聲琴聲棋落子聲雨滴
堦聲雪洒窓聲煎茶聲作茶聲皆聲之至清者而讀
書伊吾聲為最聞他人讀書聲未極其喜唯聞子弟

讀書聲則喜不可勝言矣

是非顛倒

韓文公准西碑蘓文忠公上清宮碑文辭雄傑照燁古今當時乃磨韓公文而使段文昌為文易之仆蘓公碑而使蔡京為文易之段蔡之文猥釀骯髒韓蘓妙作何啻天冠地履不唯一時是非顛倒若段蔡者豈不知雄辭在前遽敢下筆可謂大膽不自量也意謂天下可欺後世可欺小人之無忌憚者

段蔡之文不應流傳今猶流傳者豈天以印

證韓蘓二碑乎

顛倒

法藏碎金云世間人顛倒者十有八九其一少而當勤以圖身計而反放逸老而無成故古人有詩云少年輕歲月不解早謀身晚歲而無益低眉向世人其一老而當逸以就便安而反自勞後老而彌苦故古人有詩云可憐八九十齒墮雙眸昏朝露貪名利夕陽憂子孫此二事知之不難而知者尚少何況深妙之事

前詩為子弟者當以為戒後詩老者所當省也余老矣後詩為切

戀憾

啓手足之際有餘則戀不足則憾苟不知道二者必居一焉

晉人風俗之弊

自夏侯玄鄧颺何晏祖尚虛無暨阮籍劉伶輩遂至放恣縱傲而潘岳等二十四友又至於望塵雅拜略無廉耻二者俱失也

十不善業

論十不善業身三殺盜淫也意三貪瞋癡也而口業乃四妄言也綺語也兩舌也惡口也故人於口尤不可不謹人能謹守是戒不為十惡是謂實行雖不談禪設教吾必謂之真能學佛者也

四勿四毋

孔子之告顏淵曰非禮勿視非禮勿聽非禮勿言非禮勿動勿者禁止之辭也而孔子之所絕者四毋蓋也毋必也毋固也毋我也毋亦禁止之辭也人性本

善非有不善也。然則其不善斯善矣。孔子之初亦自禁止不善始。禁之久則自然安行。併與其所禁之者絕之矣。然人才能至孔子之大成則當先如孔子之教顏子自四勿始可也。若曰併與四毋絕之是自欺耳。非為學之叙也。

求

不足者求於人有餘者為人所求。求於人為乞憐之狀。固難為顏為人所求而無以應之亦難為。併求於人而弗得未免有怨。為人所求而無以與之眾怨乎。

焉何也辭辭散翼若處中既不志於求人又不為人
所求既免怨於人又免為人所怨非處中無能之所
謂處中者何也衣食粗給不當推位者是已至此地
者可謂世間幸人

物各從其類

易曰方以類聚物以群分君子夫者親上本乎地者
親下物各從其類也心身穢濁者自然親上心身穢濁
自然親下心身穢濁又自然親濁者為伍欲求與仙
佛同類無是理也

經堂雜錄卷二